



Komunikado di Prensa 2020-012

Fecha pa suministradó di serviso di trust, kompania di invershon, atministradó, agente di bolsa i atministradó di aktivo entregá nan kuentanan anual ouditá a keda aplasá

Willemstad/Philipsburg – Proveedó di serviso di trust, atministradó, kompania di invershon, agente di bolsa i atministradó di aktivo ku ta bou di supervishon di *Centrale Bank van Curaçao en Sint Maarten* (Banko Sentral) tin un obligashon di entregá na Banko Sentral nan kuenta anual ouditá òf revisá pa un ouditor eksterno, huntu ku un karta di gerensia, promé ku dia 30 di aprel di kada aña. E obligashon akí ta konforme artíkulo 17 di *Landsverordening toezicht trustkantoren*, artíkulo 8 i 17 di *Landsverordening toezicht beleggingsinstellingen en administrateurs* i artíkulo 42 di *Landsverordening toezicht effectenbemiddelaars en vermogensbeheerders*.

Banko Sentral ta konsiente di e echo ku e medidanan di ‘lock-down’ ku e gobièrnunan di Kòrsou i di Sint Maarten a apliká debí na e pandemia di COVID-19 a pone ku algun instituto finansiero no ta den posishon pa kumpli ku e obligashon legal akí. P’esei, Banko Sentral a disidí di duna e proveedónan di serviso di trust, atministradó, instituto di invershon, agente di bolsa i atministradó di aktivo ku ta bou di supervishon di Banko Sentral mas tempu pa entregá nan kuentanan anual ouditá òf revisá, te mas tardá dia **31 di yüli 2020**.

Por favor tene kuenta ku, no opstante, e atministradónan i proveedónan di serviso di trust ta obligá di entregá e formulario “*Reporting Form Number of Administered Investment Institutions*” i e formulario “*Statistical Information Reporting Form Trust Service Providers*” na Banko Sentral, mas tardá dia **30 di aprel 2020**.

Pa loke ta trata e institutonan ku nan tarifa di supervishon ta basá riba e total di aktivo, Banko Sentral lo kalkulá e tarifa di supervishon pa aña 2020 usando e informashon mas resien ku e tin na su disposishon.

Apesar di e situashon eksepsional akí, ta spera di tur e institutonan supervisá ku nan lo sigui kumpli ku nan obligashonnan legal i ku tur lei i regulashon aplikabel na nan.

Willemstad, 20 di aprel di 2020
CENTRALE BANK VAN CURAÇAO EN SINT MAARTEN